

CONSELLERÍA DE ECONOMÍA E INDUSTRIA

ORDE do 30 de xaneiro de 2015 pola que se establecen as bases reguladoras para a concesión, en réxime de concorrència competitiva, de subvencións para a mellora da imaxe, modernización, establecemento de novas fórmulas e medios de comercialización no sector comerciante retallista e artesanal galego, e se procede á súa convocatoria para o ano 2015 (código de procedemento IN201H).

Obxecto e réxime das subvencións

As subvencións reguladas por estas bases teñen por obxecto a concesión de subvencións para a mellora de imaxe, modernización, establecemento de novas fórmulas e medios de comercialización no sector comerciante retallista e artesanal galego

Solicitudes e prazo de presentación

O prazo para a presentación de solicitudes será dun mes contado a partir do día seguinte ao da publicación desta orde no *Diario Oficial de Galicia*. Para estes efectos, entenderase que o prazo vence o día cuxo ordinal coincida co que serviu de partida, que é o de publicación no DOG e, se é festivo, o primeiro día hábil seguinte. (11/03/2015)

Actuacións subvencionables

Consideraranse subvencionables as seguintes actuacións, sempre que estas sexan realizadas e efectivamente pagadas desde o 1 de xaneiro de 2015 ata a data límite de xustificación establecida no artigo 19 (10/10/2015)

1) Para os comerciantes retallistas:

a) Acondicionamento do local comercial, sempre que a superficie resultante non supere os 150 m². Non será de aplicación esta limitación de superficie para as actividades encadradas baixo a epígrafe do IAE 653.1. Esta actuación será subvencionable na superficie comercial dedicada á venda.

Para estas actuacións, o investimento máximo subvencionable será de 10.000,00 €, IVE excluído, e a porcentaxe de subvención do 40 %.

b) Medidas orientadas á mellora da imaxe exterior e adquisición de moblaxe e equipamento dedicado ao desenvolvemento da actividade comercial e para uso exclusivo na superficie de venda.

Para estas actuacións o investimento máximo subvencionable será de 5.000,00 €, IVE excluído, e a porcentaxe de subvención do 40 %.

2) Para os comerciantes retallistas e titulares de obradoiros artesanais:

a) Ferramentas ou programas informáticos que melloren a xestión do establecemento/obradoiro e o deseño dos seus produtos.

Para estas actuacións o investimento máximo subvencionable será de 4.000,00 €, IVE excluído, e a porcentaxe de subvención do 50 %.

b) Desenvolvemento e implantación de sistemas de empaquetado e etiquetaxe dirixido a mellorar a loxística e a comercialización do produto e o deseño da súa presentación.

Para estas actuacións o investimento máximo subvencionable será de 5.000,00 €, IVE excluído, e a porcentaxe de subvención do 50 %.

c) Novos sistemas de comercialización que combinen o comercio *online* e *offline*, poñendo á disposición dos clientes recursos tecnolóxicos, así como a implantación e actualización de páxinas web ou aplicacións para

dispositivos móbiles, dirixidas a mellorar a comercialización dos produtos e que contén con tenda *online* e pasarela de pagamento. Quedan excluídas deste punto as accións de publicidade, así como os traballos de fotografía cando non exista implantación da web.

Para estas actuacións o investimento máximo subvencionable será de 6.000,00 €, IVE excluído, e a porcentaxe de subvención do 50 %.

d) Novos sistemas de comercialización e información ao consumidor que impliquen a utilización das redes sociais para a venda. Quedan excluídas deste punto as accións de publicidade.

Para estas actuacións o investimento máximo subvencionable será de 8.000,00 €, IVE excluído, e a porcentaxe de subvención do 50 %.

Os beneficiarios só poderán solicitar unha actuación por cada epígrafe, e o investimento máximo subvencionable por beneficiario será:

Para os comerciantes retalistas 38.000,00 € (IVE excluído) e para os titulares de obradoiros artesanais 23.000,00 € (IVE excluído) e a porcentaxe de subvención a que se especifica en cada epígrafe.

Actuacións non subvencionables nesta orde de axudas, os seguintes conceptos:

- Ordenadores.
- Bolsas, etiquetas e caixas convencionais.
- Impresoras.
- Televisores.
- Sistemas de alarma ou similares.
- Os impostos recuperables ou repercutibles polo beneficiario.

Beneficiarios

Poderán ser beneficiarios das subvencións, sen prexuízo de reunir os demais requisitos establecidos nestas bases as persoas físicas ou xurídicas, públicas ou privadas, comunidades de bens ou calquera outro tipo de unidade económica ou patrimonio separado sen personalidade xurídica, legalmente constituídas, así como as federacións de comerciantes e as asociacións profesionais de artesáns, que en todos os casos cumpriran ademais os seguintes requisitos:

a) Comerciantes retalistas:

- Que desenvolvan a súa actividade comercial en Galicia e, así mesmo, o seu domicilio social e fiscal radique na Comunidade Autónoma.
- Que, tendo a condición de peme conforme os requisitos establecidos pola Comisión Europea na súa Recomendación 2003/361/CE, do 6 de maio de 2003 (DOUE 124, do 20 de maio, p. 36), empreguen menos de dez (10) traballadores e non teñan a consideración de grande establecemento comercial segundo a normativa aplicable.
- Que estea dado de alta nalgúnhas das epígrafes do IAE que se relacionan no anexo II e que este constitúa a actividade principal do solicitante.
- Que figuren inscritos no Rexistro Galego de Comercio ou ter solicitada a inscrición con anterioridade á data de finalización do prazo de presentación de solicitudes.

b) Titulares de obradoiros artesanais:

- Que o obradoiro artesán figure inscrito no Rexistro Xeral de Artesanía de Galicia.
- Que fagan uso da marca «Artesanía de Galicia».

Criterios de valoración

Para os comerciantes retalistas e titulares de obradoiros artesanais:

- a.1) Adhesión ao sistema arbitral de consumo de forma indefinida: 2 puntos.
- a.2) Por pertenza a unha asociación de comerciantes, empresarios ou artesáns, ou por estar integrado nun centro comercial aberto: 2 puntos.
- a.3) Non percibir ningunha axuda convocada pola Dirección Xeral de Comercio nos últimos 3 anos (2012-2014): 3 puntos.
- a.4) Por exercer a actividade nun municipio de menos de 5.000 habitantes: 2 puntos.
- a.5) No caso de que o local onde se desenvolve a actividade estea situado nos concellos dos plans: Impulsa-Lugo, Impulsa-Ourense, Plan Ferrol, Eume e Ortegal ou Plan Revive Costa da Morte: 1 punto.
- a.6) Pola apertura dun novo establecemento comercial durante o ano 2014: 1 punto.

Documentación necesaria para tramitar a solicitude:

Documentación xurídico-administrativa da entidade solicitante (orixinal ou copia compulsada) que deberá estar en vigor:

- DNI do representante legal.
- Número de identificación fiscal.
- Acta, escritura ou documento de constitución, estatutos e, se é o caso, modificación deles, debidamente legalizados.
- Certificación expedida pola Axencia Tributaria na cal se indiquen as epígrafes do imposto de actividades económicas en que figura dada de alta a entidade solicitante, Se está dado de alta en máis dunha actividade económica, xustificar cal delas é a principal. No caso de sociedades declaración anual do IVE (modelo 390) do ano anterior; no caso de persoas físicas IRPF do ano anterior.
- Informe emitido pola Seguridade Social de vida laboral con todos os códigos de conta de cotización do solicitante ou, se é o caso, certificación da Seguridade Social da non existencia de traballadores.
- Proxecto e memoria de viabilidade de cada unha das actuacións para as cales se solicita subvención, que incluírá a súa descrición, obxectivos e valoración económica das actuacións que se pretenden executar. No caso dos comerciantes retalistas que soliciten as actuacións definidas no artigo 1, número 1), a) e b) das bases da convocatoria, remitirán asemade fotografías ou documentos gráficos do local antes de iniciar as actuacións.
- Facturas ou, no seu defecto, facturas pro forma de gastos previstos para a realización de cada unha das actividades ou adquisicións para as cales se solicita subvención.
- Certificado expedido polo órgano competente de estar integrado nun centro comercial aberto, asociación de comerciantes, empresarios ou artesáns.
- Documento acreditativo de estar adherido o Sistema Arbitral de Consumo, no seu caso.
- Alta no imposto de actividades económicas do local (para locais abertos durante o ano 2014).